



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Prima Duo Sæcula Complectens

Fleury, Claude

August. Vind. [u.a.], 1758

VD18 13322648

§. 22. Apollonius Romæ.

[urn:nbn:de:hbz:466:1-66002](#)

nem octavum cælum inhabitabat; ex Sæculum I.
Patre exierat, eratque mater *Zaldabaoth*, A. C. 66.
aut juxta alios *Sabaoth*, qui adhibita vi
septimum cælum involaverat, dicebat
que ad inferiores: *Ego sum primus, &*
novissimus, & non est Deus alius præter
me. Alii Deæ, quam honorabant, no-
men *Prounicos*, tanquam Principum
omnium cælestium Matri, dabant; &
tam sub uno, quam altero nomine ei-
dem turpissimarum actionum infamiam
tribuebant, ut suarum pudorem levarent.
Alii libros, & confictas revelationes sub
nomine d' *Zaldabaoth* ostentabant, & Po-
testatibus, Principibusque, quos in diver-
sos cælos distribuebant, barbara impone-
bant vocabula; uni eorum nomen *Cau-*
lauchauch dederant, textum Isaiæ male in-
telligentes, ubi hæc Hebraica leguntur: *Isai 28. 10.*
Cau-la-cau, Cau-la-cau, quibus impio-
rum insolentia, Prophetæ sæpius repeti-
tis his verbis illudentium, exprimitur.
Ita hi hæretici ignaros fallebant. Mo- *Euf. III.*
dico solum tempore Nicolitarum nomen *hist. c. 29.*
retinuerunt, sed in plures Sectas divisi,
plura nomina sortiti; præprimis vero
communi nomine Gnosticorum inno-
tuere.

§. XXII.

Apollonius Romæ.

Eodem anno Neronis duodecimo, JESU An. 66.
Christi sexagesimo sexto Apollonius
Hist. Eccles. Tom. I. Q Thya-

Sæculum I.
A.C. 66.

c. 13.

c. 14.

Thyanæus Romam commigrat. Ab ea adhuc centum viginti stadia seu sex leucas remoto, obviam factus quidam nomine Philolaus, ab hac profectio[n]e mentem ipsius avertere conabatur, quod tutus ab inimicis Romæ nullatenus futurus esset. Et profecto Nero Philosophos oderat, ratus sub Philosophiæ pallio artem divinatoriam latere. Musonium nemini, nisi foli Apollonio sapientiæ fama inferiorem, in vincula conjecterat. Plerique Apollonii Discipuli conterriti, diversa prætexentes, eum reliquerunt; ex triginta quatuor non plures octo perdurarunt, quos inter Menippus, Dioscorides Ægyptius, & Damis. Apollonius ipso periculo accendi videbatur, ut Romanum iret, & ostenderet, ut ipse jaætitabat, veram Philosophiam nihil timere, & videret cominus, quale animal esset, Tyrannus. Romanum ingressum, Telesinus ejus anni sexagesimi sexti Consulum alter ad se vocat, de vestitu, professione, & qua ratione Deos veneraretur, percontatur; eumque in rebus, ad Religionem spectantibus, doctissimum expertus, omnia Tempa adeundi facta facultate, Sacrificatoribus omnibus mandat, ut eum recipierent; Consuli enim in Sacrificulos hæc potestas erat. Eidem etiam in Templis habitare juxta morem suum licuit. Igitur ex uno in aliud divertebat, inquiens;

æquum

æquum esse, ut nullus Deorum incultus
præteriretur; suisque sermonibus om-
nes ad Deorum venerationem excitabat.
Sine delectu hominibus quibuscumque
loquebatur, nec Principum affectabat
alloquium.

Sæculum I.
A. C. 66.

Demetrius Cynicus, Apollonii cultor
eximus, Romam veniens, ea dicendi li-
bertate in abusus, qui balneorum occa-
sione committebantur, invectus est, ut
eum Tigellinus, inter alios Neronis favo-
re potentissimus, propterea urbe eje-
rit, & quosdam eduxerit, qui sermones
omnes Apollonii, & actiones observa-
rent. Eo tempore sol eclipsin passus est,
simulque tonitru auditum. Apollonius
levatis in cælum oculis, inquit: *Quid-*
quam magni eveniet, immo non eveniet.
Eo enim modo secure licebat præfigire.
Tertia die cum Imperator cibum sume-
ret, fulmen incidens, poculum, quod bi-
biturus ori admovebat, excussum. Credi-
tum est, Apollonium prædixisse, post
diem tertiam parum abfuturum, ut Ne-
ro fulmine tangeretur. Tandem Apol-
lonio quidquam sarcastice dictum excidit,
qua prensata occasione, Tigellino aucto-
re ob læsum Cæsaris honorem accusa-
tus est. Cum autem Tigellinus libellum
accusationis inspecturus aperiret, alba
papyrus sine ullo scripturæ vestigio ap-
paruit; quod suspicionem ingessit, id fieri

6. 15.

Q 2

arte

Sæculum I. A. C. 66. arte Dæmonis. Vocatum secreto Apolionum interrogat, quid ipse de Dæmonibus, & Phantasmatum apparitionibus sentiret; id ipsum, reponit ille, quod Iudices de homicidis sentiunt, & impiis, sic tacite interrogantis crimina exprobans. Se vero Divinatorem negavit, tanta locutus constantia, ut vehementer admiratus Tigellinus eum dimiserit; Apollonius Magos reputabat illos, qui Phantasmata fuscitabant, qui per incantationes, aut unctiones fata mutare tentabant; & qui more Barbarorum sacrificabant. Ipse Cæremonias Græcorum servabat, seque omnia fatis concedere, & per scientiam sibi a Diis ultro communicatam futura prævidere dictabat. Cum in Indiis esset, & Tripodes, aliquaque supellectilem seipsis moveri cerneret, quomodo id fieret investigare noluerat.

*Philost. lib.
c. 4.*

c. 16.

Jam vero ad maximum Apollonii miraculum veniamus; cum esset adhuc Romæ, puella ex familia consulari parata ad nuptias, subito mortua videbatur. Supra lectum apertum sublimis ferebatur more Romano, & lamenta ingeminans sponsus sequebatur. Occurrentis Apollonius, ait: *In terram demittite lectulum; tollam vestrarum lacrymarum causam.* Tum interrogat, quod nomen puellæ esset, & tangens eam, quædam verba im-

perce-

perceptibilia müssitabat; illico puella e- Sæculum I.
vigilans, cœpit loqui, & rediit in domum A. C. 66.
patris sui. Parentes ejus Apollonio ma-
gnam pecuniæ summam obtulerunt, ipse
vero respondit, se eam filiæ in dotem da-
re. Ex illis ipsis, qui facto præsentes fue-
runt, nemo eam fuisse mortuam affirma-
re ausus; vapor enim ex vultu surgebat,
& ros de cœlo cadebat, quo facile factum,
ut ex deliquio revocaretur. Hoc modo
rem ipsi Apollonii admiratores retule-
runt. Nero in Græciam discedens, edi-
cto omnes Philosophos Roma exesse jus-
sit. Apollonius viam in Hispaniam in-
gressus est.

§. XXIII.

Mors Simonis Magi.

Simon Magus eodem tempore Romæ erat, præstigiis omnium admirationem in se convertens. Imperator Nero ve- Plin. lib.
hementi non Musicæ magis, quam Magiæ XXX. c. 2.
studio tenebatur, hujus enim artis arca-
na si assequeretur, ipsos Deos in potesta-
te futuros, sperabat. Hanc ut disceret,
nec auro, nec labori pepercit; nihilomi-
nis omnibus Magorum promissis nihil
magis, quam veritatem abesse, semper
expertus est; ita ut frustrata Neronis cu-
riositas posteris, nullam, & inanem hanc
artem esse, illustre dederit argumentum.

Q 3

Sed